

DISPUTATIO JURIDICA  
INAUGURALIS,

DE

Præscriptione Longissimi  
Temporis.

QUAM,

FAVENTE DEO TER OPT. MAX.

*Ex Auctoritate Magnifici D. Rectoris*

FRANCISCI BURMANNI,

S. S. Theol. Doctoris & Professoris Ordinarii;

NEC NON

*Amplissimi Senatus Academici Consensu, & Nobilissimæ  
Facultatis JURIDICÆ Decreto,*

PRO GRADU DOCTORATUS

Summisque in UTROQUE JURE Honoribus & Privilegiis  
ritè ac legitimè consequendis,

*Eruditorum Examini subicit*

CORNELIUS VALCKENIER, Amstelæd.

*Ad diem 1. AUGUSTI, loco horisque solitis.*



TRAJECTI ad RHENUM,

Apud GUILLIELMUM vande WATER, Aca-  
demiæ Typographum. clō 1ō CCXVIII.

STATUTORY  
IN THE

# Proclamation Tenth

THE

OF THE

IN

THE

THE

THE

THE


THE

THE

THE

THE

THE



THE

THE

THE



*Nobilissimis , Amplissimis & Gravissimis*

V I R I S

D. D. J A C O B O  
V A L C K E N I E R ,

Civitatis Amstelodamensis Senatori  
& Collegii Scabinorum sæpius Præ-  
sidi, nunc ad Confessum Ordinum  
Generalium Foederatæ Belgicæ, no-  
mine ejusdem Civitatis , Delega-  
to, &c. &c. Patri indulgentissimo,  
optime de me merito, filiali amore,  
pietate , obsequio , & reverentia,  
ad Urnam usque Colendo,

D. D. G Y S B R E C H T O V A N  
H O G E N D O R P ,

Domino in Hofwege, Urbis & Do-  
minii Steenbergæ Satrapæ, Quæstori  
supremo Belgii Foederati Vigilantif-  
simo, Avunculo affinitate juncto ,  
plurimum Venerando,

NEC NON

*Clarissimo & Celeberrimo*

V I R O

**D.D. CORNELIO VAN ECK,**

J. U. D. Olim in Franequerana, nunc  
vero in hac Celeberrima Trajectino-  
Academia, Juris Civilis ac Hodierni  
Professori Ordinario, suorum studio-  
rum Moderatori, & Promotori De-  
sideratissimo, & Aestimatissimo,

*Hasce studiorum suorum pri-  
mitias, ac se ipsum devoto  
pectore*

D. D. D.

**CORNELIUS VALCKENIER.**





DISPUTATIO JURIDICA

INAUGURALIS

DE

# Præscriptione Longissimi Temporis.

PROOEMIUM.



Ad consequendos summos in utroque jure honores, & exhibendum aliquod specimen meorum in jurisprudentia profectuum, eligendum putavi Disputationis argumentum, quod non minorem jure Hodierno, quam Romano, habet usum & utilitatem. In quo breviter, pro ratione instituti, exponendo, hunc constitui servare ordinem, & docere, (1.) Quid sit Præscriptio (2.) Quotuplex sit, scilicet, vel longi vel longissimi temporis (3.) Quid sit Præscriptio longi temporis & quænam inter illam & usucapionem jure veteri fuerit differentia? (4.) Quid requiratur ad longi temporis Præscriptionem, postquam à Justiniano confusa est cum usucapione, & in quibus rebus locum habeat? (5.) Quis sit ejus effectus? (6.) Quid sit Præscriptio longissimi temporis, & quot anni ad eam requirantur? (7.) Quænam sint ejus reliqua requisita? (8.) Quis sit ejus effectus? (9.) In quibus rebus, juribus, & actionibus locum habeat vel non? (10.) Quid sit hodierna præscriptio longissimi temporis? (11.) Quæ-



nam sit ratio, & æquitas Usueapionis, & omnium Præscriptionum, Legibus introductarum, & Moribus receptarum?

## C A P U T. I.

I. Præscriptio, à præscribendo dicta, proprie est, quidquid sancitum, statutum, vel quovis modo constitutum est, ut id sequamur, atque observemus. Sic verbum præscribere hoc proprio sensu accipitur in *L. 1. Cod. de Præscript. 30. vel 40. annor. qui provinciam regit, quod publico jure præscriptum est, statuet.* & in *l. 1. Cod. de Tutorib. vel curatorib. illustr. vel Clariss. personarum*, in verbis: *Ubi hujusmodi homines offeruntur, ut teneri possint, jure præscribimus.* Eodem sensu *Cic. Lib. 4. Academ. quest. cap. 46. ait: Hac norma, hac regula, hac præscriptio est naturæ.* & *lib. 4. Tusculan. quest. cap. 9. Intemperantia est à recta ratione defectio, aversa à præscriptione rationis.*

II. Alio sensu hæc ratio loquendi accipitur apud eundem Ciceronem *lib. 5. Epist. ad Famil. Ep. 2. in verbis: Illud Scium ea præscriptione est, ut, dum id extabit, officium meum in te obscurum esse non possit.* ubi vid. *Manut. in Comment. Ut & in tit. ff. de Præscriptis verbis, & in factum actionibus*, ubi vide Interpretes.

III. Usu autem invaluit, ut Præscriptio significet omnem exceptionem, sive perpetuam, sive temporalem, qua reus actorem, vel accusatorem repellit, ac summoveat, ejusque intentionem excludit, & elusoriam reddit. Sic passim dicitur *præscriptio*, id est, exceptio, *doli mali. l. 19. ff. de solut. præscriptio rei judicatæ l. 29. ff. de exep. rei judicatæ, præscriptio fori. l. 7. ff. Qui satisd. cog.* Hinc exceptiones & præscriptiones conjunguntur in *lib. 8. Cod. tit. 36. de Exceptionibus & Præscription.*

IV. Proprie tamen, & stricte, ac in specie, exceptiones temporales, quæ actori, vel accusatori objiciuntur, quia non egit intra tempus legibus definitum, vocantur præscriptiones simpliciter & per excellentiam, vel præscriptiones temporis, aut temporales. *l. 6. ff. Si ingenuus esse dicetur. l. 8. Cod. Arbitr. tutela. tit. ff. de divers. temporalib. præscript. tit. Cod. de præscript. longi temp. tit. Cod. in quib. caus. cessat longi temporis præscriptio. tit. Cod. quibus non objicitur longi temp. præscript. tit. Cod. de præscript. 30. vel 40. annor.*



# INAUGURALIS.

2

## C A P U T II.

**P**ræscriptio autem, hoc sensu accepta, potissimum est duplex, vel longi temporis decem aut viginti annorum, vel longissimi temporis, triginta aut quadraginta annorum. vid. *Tit. supra allegatos*. Nam Præscriptiones temporis angustioris explicare, ratio instituti & brevitatis, quam in hac Exercitatione observare decrevi, non patitur. Sufficiat eas digito indicasse. Exempla Præscriptionis viginti horarum, unius diei, tridui, decem, viginti dierum, duorum, trium, quatuor, sex, & novem mensium, ut & anni, biennii, triennii, quadriennii, quinquennii, aliorumque temporum videri possunt in legibus magno numero citatis à Cujacio in libro de Præscriptionibus & Terminis, ut & a Clarissimo Voetio in *Comment. ad Tit. ff. de Diversis temp. Præscript. num. 5. & 6.*

## C A P U T III.

I. **P**ræscriptio longi temporis erat exceptio, quæ olim dabatur ei, qui vel rem non possederat, sed hoc tantum intendebat, ut Judex declararet, actorem jus agendi lapsu temporis amisisse, vid. *l. 2. ff. de Divers. tempor. præscript.* vel possederat quidem, sed non usuceperat, vel quia erat in mala fide, vel quia conditio & natura rei non admittebat usucapionem, veluti quia prædium erat provinciale sive in provincia situm, vel quia res erat incorporalis. vid. *princip. Inst. de Usucap. & longi temp. præscript.* tunc enim prætor, contra rigorem stricti Juris Civilis, ei, qui re, decem inter præsentis, vel viginti annis inter absentes usus erat, tantum dabat exceptionem, &, ex eadem æquitatis ratione, utilem actionem. *l. 10. ff. Si servitus vindicetur.*

II. Differebant autem Usucapio, & Longi temporis Præscriptio. (1.) Quod usucapio erat modus acquirendi domini Jure Civili introductus, adeoque possessorem faciebat dominum, est enim adjectio domini. *l. 3. ff. de Usurpat. & usucap. l. 20. Cod. de pact.* Longi autem temporis præscriptio possessori non tribuebat dominium, sed jus dominio proximum ex æquitate prætoria, exceptionem scilicet & actionem utilem, ut supra dictum est. (2.) Usucapio rerum mobilium anno, immobilium biennio ex lege xii. tabularum peragebatur & ter-



terminabatur, præscriptio autem non nisi decem annis inter præsentēs, viginti inter absentes. (3.) Usucapio tantum habebat locum in rebus immobilibus in Italia sitis, in mobilibus vero omnibus sine discrimine locorum. In prædiis autem provincialibus locum habebat præscriptio, non autem usucapio. vid. *princ. Inst. de usucap. & longi temp. præscript. tit. Cod. de præscript. longi temp. 10. vel 20. annorum & ibi Interpret.* Ratio est, quia prædia provincialia erant in potestate populi Romani, cujus dominium directum possessores agnoscebant solutione tributorum & stipendiorum. §. 40. *Inst. de Rerum div.* simili modo, quo Emphiteuta solutione canonis agnoscit dominium directum ejus, à quo rem in Emphiteusin accepit. §. 3. *Inst. de Locat. & conduct. & tit. ff. Si ager vectig. pet. tit. Cod. de Jure Emphiteut.*

## CAPUT IV.

Cæterum Justinianus has aliasque differentias inter Longi temporis præscriptionem & Usucapionem sustulit, & utramque eodem jure censerī voluit in *l. un. Cod. de Usucap. transform. & de sublat. different. rerum Mancipi & nec Mancipi.* & in *princ. Inst. de Usucap.* Sic ut jure novo tam ad longi temporis præscriptionem proprie dictam, quam ad usucapionem requiratur, I. Bona fides, sive, ut vulgo definiri solet, illæsa conscientia possessoris rem alienam, a se possessam, suam esse putantis, sive qui existimabat, eum, a quo rem accepit, dominum esse, vel saltem jus transferendi dominii habere, adeoque se jam statim, per traditionem, dominum effectum esse. *l. 109. ff. de Verb. signif. & princ. Inst. de Usucap. §. 35. Inst. de Rer. divis. l. 27. ff. de Contr. emt.* Bonam fidem autem sufficit adesse initio traditionis, sic ut scientia rei alienæ, sive mala fides postea superveniens, non impediat, nec interrumpat usucapionem semel bona fide inchoatam. *l. 48. §. 1. ff. de Acquir. rer. domin. l. un. Cod. de Usucap. transform. iuncta lege 15. §. ult. & l. 44. §. 2. ff. de Usurp. & usucap.* Nisi quod in Emptione Venditione bona fides adesse debeat utroque tempore & contractus celebrati, & rei traditæ. *l. 2. ff. pro Emptore. l. pen. ff. de usurp. & usucap.* Ex qua supplendum est, quod deest legi 10. *eod. tit.*

II. Justus titulus, id est, Causa ad transferendum dominium idonea, ut Emptio, Donatio, aliæque, quæ extant in *lib. 41. ff. tit. 3. & seqq.* Sola enim diutina possessio, sine justo titulo obtenant, pro-



prodesse ad præscriptionem non potest, *l. 4. Cod. de præscrip. long. temp.* & nullo justo titulo præcedente, possidentes ratio juris quærere dominium prohibet. *l. 24. Cod. de Rei Vind.* maxime cum nuda traditio, licet a vero domino facta, nunquam transferat dominium, sed ita si venditio, vel alia justa causa præcesserit, propter quam traditio secuta est. *l. 31. ff. de Acq. rer. dom.* & eadem sit ratio transferendi domini, si res sit tradita a vero domino, & transferendi conditionem, sive facultatem usucapiendi, si possessor rem consecutus sit a non domino. §. *pen. in fin. Inst. de Usucap. l. 20. Cod. de Pact.*

III. Ut res non sit vitiosa, sed ad usucapionem idonea. Ut enim res a bonæ fidei emptore, vel qui ex alia justa causa possidet, usucapi possit, talis esse debet, ut in se non habeat vitium. §. 5. *Inst. de Usucap.* Id est, ut neque natura, neque lege, juri usucapionis exempta sit; Nam ubi natura, vel lex inhibet usucapionem, bona fides possedenti nihil prodest. *l. 24. ff. de Usurp. & usucap.* Sic natura, per longi temporis præscriptionem, vel usucapionem acquiri prohibentur res extra commercium positæ, ut liber homo, res sacræ sanctæ, & religiosæ. §. 1. *Inst. de Usucap. l. 9. ff. eod. tit.* lege autem prohibentur usucapi res, quæ non possunt alienari, licet in commercio sint, ut fundus dotalis & bona fideicommissio obnoxia *l. 16. ff. de Fund. dot. l. 2. Cod. de Usucap. Pro herede. juncta lege 28. ff. de Verb. sign. res pupillorum & minorum. l. 48. ff. de Acqui. rer. dom. l. 3. Cod. Quibus non obstat longi temp. præscript. l. ult. Cod. In quib. caus. in integr. restit. necess. non est.* bona adventitia filiorumfam. *l. 1. §. 2. Cod. de Ann. except. Res Fiscī & Principis. §. 4. Inst. & l. 18. ff. de Usucap. l. 1. Cod. Ne rei dominicæ, vel templor. vindicatio longi temp. except. summoveatur.* Res Ecclesiæ, Civitatum, Gerontocomiorum, & similium Corporum. *l. 23. & Auth. seq. Cod. de SS. Eccles.* denique Res Furtivæ, & vi possessæ, nisi, vitio purgato, in possessionem domini rediverint, & deinde ad bonæ fidei possessorem pervenerint. §. 2. & 3. *Inst. de Usucap.*

IV. Possessio per traditionem acquisita, & per tempus, legibus definitum, sine interruptione continuata. Tempus autem usucapionis in rebus immobilibus Italicis olim ex lege XII. tab. erat biennium, in rebus autem mobilibus, tam in Provinciis, quam in Italia erat annus. Justinianus vero hoc biennium in rebus immobilibus mutavit in longum tempus decem annorum inter præsentes, viginti inter absentes, sive qui in diversis Provinciis degunt;



in rebus autem mobilibus annum mutavit in triennium, sine discrimine inter absentes & praesentes. *princ. Inst. de Usucap. l. ult. Cod. de Praescript. longi temp. l. un. Cod. de usucap. transform.*

## CAPUT V.

Cum autem antiqua illa usucapio per annum vel biennium fieri solita, fuerit modus acquirendi dominii, ipso Jure Civili legis XII. Tabularum introductus, & Justinianus cum illa confuderit praescriptionem longi temporis decem vel viginti annorum, & differentiam inter res Mancipi, & nec Mancipi, nec non inter praedia Italica, & Provincialia, penitus sustulerit, certissimi juris est, praescriptionem longi temporis decem vel viginti annorum non amplius esse exceptionem, qua opposita, bonae fidei possessor, a Domino conventus, se poterat defendere, ejusque petitionem excludere, & elusoriam reddere, non autem rem amissam ab aliis vindicare; sed esse modum dominii perfecte, & pleno jure acquirendi. *d. princ. Inst. de Usucap. d. l. unic. Cod. de Usucap. transform.* Quod summa nititur ratione, cum minus durum & iniquum sit, dominos per novam longi temporis praescriptionem & lapsum trium, decem, vel viginti annorum, quam per veterem illam usucapionem, lapsu anni vel biennii, rerum suarum dominio de fraudari.

## CAPUT VI.

His praemissis, videamus, quid sit praescriptio longissimi temporis, quae primum est, & praecipuum nostrae Disputationis argumentum. Est autem nihil aliud, quam exceptio, qua is, qui rem alienam longissimo tempore possedit, a Domino ejus conventus, non cogitur eam restituere, sed potest eam retinere, ac se defendere opposita exceptione, sive praescriptione longissimi temporis. Tempus verò longissimum, secundum leges Romanas, est regulariter spatium triginta annorum, cujus praescriptionis auctor est Imperator Theodosius, quaeque inde a quibusdam interpretibus vocari solet praescriptio Theodosiana. *l. 3. Cod. de Praescrip. 30 vel 40 annor.* Aliquando autem quadragenta annorum, quam vocant Anastasianam, quia auctor ejus est Imperator Anastasius in *l. 4. Cod. eod. tit.*

II. Re-



II. Regulariter actionibus tam in rem, quam in personam, præscribitur spatium triginta annorum, ex Constitutione Imperatoris Theodosii Junioris in *d. l. 3.* & Justiniani in *l. 1. §. 1. Cod. de Annal. except.* Non tamen omnibus omnino actionibus, sed illis, quæ olim erant perpetuæ & sempiternæ, nec unquam extinguiebantur, scilicet actiones Civiles, quæ ex legibus, Sctis, vel Constitutionibus Principum nascebantur. vid. *princip. Inst. de Perpeti & tempor. action.* non autem illæ, quæ ipso jure veteri, certis temporis limitibus circumscribebantur, & intra illos instituendæ erant, nam hæc etiam post Theodosii Constitutionem manserunt temporales. *d. l. 3. in fin. Cod. de præscrip. 30 vel 40 ann.* qualis erant & hodieque sunt, Querela Inofficiosi Testamenti, & Querela Inofficiolæ Donationis, quæ intra quinquennium actio doli, quæ intra biennium, actiones Ædilitiæ, quæ, pro re nata, vel intra annum, vel intra sex, vel intra duos menses instituendæ sunt. vid. *l. 8. §. ult. ff. & l. 34. in fine Cod. de Inofficios. testament. l. ult. Cod. de Inoff. donat. l. ult. Cod. de Dol. mal. l. 38. l. 28. ff. de Ædil. Ed.* Ut & omnes actiones Prætorie annales, ut actio injuriarum, & quæ eodem jure cum illa censentur, de quibus vid. *D. D. ad Tit. Inst. de Perpeti & temporal. action.* Ut & actio specialis in rem contra bonæ fidei possessorem hæc enim eodem tempore præscribitur: quo Usucapitur Dominium rei, ad quam competit, id est, triennio, si res sit mobilis, decennio inter præsentes, vicennio inter absentes, si res sit immobilis, quia extincto jure in re, extinguitur actio in rem, licet actio in personam duret, quamquam res debita sit Usucapta. *l. 15. §. 1. ff. de Condict. indeb. l. 13. ff. de Mortis causa. donat.*

III. In quibusdam tamen casibus in longissimi temporis præscriptione requiritur spatium annorum 40. ut (1) in actione hypothecaria contra ipsum Debitorem ejusque hæredem; Nam contra extraneum bonæ fidei possessorem hypothecæ perimuntur decem vel viginti annis, contra malæ fidei possessorem autem lapsu triginta annorum. *l. 7. Cod. de præscrip. 30, vel 40. ann.* (2.) In actione hypothecaria, quæ competit priori creditori contra creditorem posteriolem, qui hypothecam possidet, si debitor communis vivat nam si sit mortuus, perimitur triginta annis. *d. l. 7. Cod.* (3.) In Actionibus sive in rem sive in Personam, super quibus lis est contestata, quatenus actio, ab ultima cognitione, postquam lis omissa est, intra 40 annos repeti & instaurari potest *l. ult. Cod. de*



*Præscrip. 30 vel 40. ann. l. 1. §. 1. Cod. de Annal. excep. (4)* In actionibus quæ competunt Ecclesiæ, aliisque Venerabilibus locis, & Civitatibus; Hæ enim cum ex Constitutione Justiniani in *l. 23. Cod. de SS. Eccles.* non nisi centenaria sive seculari centum annorum spatio extinguerentur, Idem Imperator, abrogata dicta leg. 23., postea eas 40 annis præscribi voluit per *Nov. 111. Cap. 1. & Nov. 131. Cap. 6.* (unde desumpta est Authentica, *Quas actiones dictæ leg. 23. subjecta*) nisi quod sola Romana Ecclesia dicatur gaudere centum annorum spatio. *Dicta authentica. quas actiones & Nov. 9.* quæ de re plura videri possunt apud Interpretes.

IV. Ultra quadraginta annos autem non extenditur longissimi temporis præscriptio, excepta unica actione, qua is, qui alea victus, id quod ex hac causa victori solvit, repetere sive condicere vult; Huic enim actioni non nisi lapsu quinquaginta annorum præscribitur. *l. 1. l. ult. Cod. de Aleatorib.*

#### C A P U T VII.

**A**d præscriptionem longissimi temporis nihil requiritur, nisi possessio animo sibi habendi, ejusque non interrupta continuatio per tempus legibus definitum, sic ut sufficiat etiam possessio vi, clam, aut furtim acquisita. Nam in hac præscriptione Jure Civili nec Justus titulus, nec bona fides requiritur, nec ei vitium rei possessæ obstat, sed sola negligentia Adversarii possessorem vel debitorem defendit. Nam & Fures, Prædones, Raptores lapsu longissimi temporis liberantur, & Dominos ac creditores, res suas vel debitum petentes, repellere & excludere possunt. *l. 3. & l. 4. Cod. de præscript. 30 vel 41 ann.* Quamquam Jure Canonico malæ fidei possessor nullo unquam tempore, ne quidem tempore immemoriali, sive quod memoriam hominum excedit, præscribere possit, modo de mala fide constet. *Cap. ult. x. de Præscript. Cap. possessor. 2. X. de Reg. Jur.* Mores Hodierni autem hac in parte sequuntur Jus Civile.

#### C A P U T VIII.

**E**ffectus hujus Præscriptionis est, non quod possessor acquirat Dominium rei longissimo tempore possessæ, eamque, si possessionem



tionem ejus amiserit, vel à pristino domino, vel a tertio possessore vindicare possit, sed quod exceptione peremptoria se defendere possit contra Dominum rem suam vindicantem, vel creditorem actione hypothecaria agentem. Ita tamen ut hac in parte aliqua sit differentia inter eum, qui bona fide rem alienam, vel alteri obligatam triginta, vel quadraginta annis possedit, qui non modo tutus est præscriptione longissimi temporis, si possideat, sed & rem vindicare potest, si possessionem amiserit, & inter eum qui rem alienam longissimo tempore possedit mala fide, qui tantum habet exceptionem, non autem vindicationem contra pristinum Dominum vel creditorem, si res sine violentia ad eos pervenerit. vid. l. 8. §. 1. *Cod. de Præscript. 30 vel 40 ann.* Si autem pristinus Dominus vel creditor rem præscriptam vi occupaverit, præscribenti, licet sit in mala fide, etiam contra Dominum vel Creditorem competit vindicatio l. 8. §. 2. *supra allegata.* Nec adversatur huic sententiæ, quod malæ fidei possessor, sive qui rem mala fide possedit & præscripsit, ejusque possessionem amisit, non sit Dominus, adeque rem vindicare nequeat, sed possessionem sola exceptione sive præscriptione defendere & retinere possit, vid. l. 23. ff. *de Rei Vind.* §. 1. *Inst. de Actionib.* Nam non est intrequens in Jure nostro, nec exemplo caret, quod ex Æquitate utilis actio in rem detur non Domino, sive qui nec Jure Civili Dominium acquisivit, vel Dominium, quod acquisiverat, amisit, contra regulam dictæ legis 23. Exempla vide in §. 34. *Inst. de Rer. divis.* l. 5. §. 3. ff. *de Rei vind.* l. 29. & 30. ff. *de Donat. Inter Vir. & Uxor.*

## C A P U T IX.

I. Præscriptio longissimi temporis locum habet in omnibus rebus, non modo corporalibus, tam mobilibus, quam immobilibus, etiam vitiosis, veluti furtivis, vi, vel sine bona fide & justo titulo possessis, (ut supra latius demonstratum est) sed & in actionibus, sive in rem, sive in personam, in servitutibus prædialibus, & personalibus, in redditibus aliisque præstationibus annuis. vid. l. 3. 4. 7. §. ult. *Cod. de Præscript. 30. vel 40. annor.* & ibi DD.

II. Cessat tamen in tributis, aliisque, quæ Principi, ut Principi, ratione subjectionis, & in signum supremæ potestatis, debentur. l. 5. *Cod. de Præscript. 30. vel 40. annor.* Quo pertinet vulgata



gatae paræmia Juris Belgici , tegens den Heere balt geen præscriptie , id est , adversus dominum , aut Principem superiorem , non est locus præscriptioni. Sic , exempli gratia , is , qui fundum tributarium , id est , præstationi tributorum obnoxium , 40. annos possedit , nullo tributo præstito , ejus possessione privari nequit , utpote longissimi temporis præscriptione tutus , sed non est liberatus à præstatione tributorum , nec præteriti nec futuri temporis respectu. vid. d. l. 6. Cod.

## C A P U T X.

I. **S**upereft ut paucis videamus, quid hodie juris fit in Præscriptione longissimi temporis trientis seculi , & quo modo differat ab illa Juris Romani. Triens autem seculi , in hac præscriptione , continet spatium trium , & triginta annorum , quatuor mensium , & , secundum mores quorundam locorum , trium dierum. Hæc vulgo vocari solet *Verjaringe van een derdendeel van hondert jaaren*. Nam , sublata præscriptione 30. vel 40. annorum , ubique tere indistincte præscriptio longissimi temporis peragitur & absolvitur spatio tertiæ partis centum annorum. Vid. Lambert Goris *Adversar. juris , tractat. 3. parte 1. cap. 9.* & Ant. Matthei *Paræmias Belgis Jctis usitatissimas*, *Paræm. 9.* H. Grotii *Manuduct. ad Jurisprud. Holland. l. 2. cap. 43.*

II. In multis tamen convenit cum antiqua illa Romanorum præscriptione. Nam nec hic requeritur bona fides , aut justus titulus , sed sufficit sola possessio , quovis modo acquisita , & lapsu trientis seculi confirmata , quæ parem cum illa Romanorum vim habet & effectum. Quod aperte collegi potest ex his Regulis passim obviis in Municipalibus Belgarum Legibus & Statutis, *Præscriptie van een derdendeel van honder jaaren gaat vooz alle Seegel ende Bzief. Naar verloop van een derdendeel van hondert jaaren sullen alle reelen en personeele actien doot zyn.* vid. Lambert Goris. & Ant. Math. *Dict. Locis.*

## C A P U T XI.

**Æ**quitas & Utilitas omnium præscriptionum , sive longissimi , sive longi temporis , & Usucapionis , est , ne rerum dominia diu , &



& fere semper essent incerta, & ut aliquis sit litium ac controver-  
 siarum finis. vid. l. 1. ff. de Usur. & Usucap. l. ult. ff. de Usucap. pro  
 suo. Quare Gajus ait Usucapionem bono publico esse introductam  
 d. l. 1. Cicero autem in Oratione pro Cæcinnâ eam vocat *finem sol-  
 licitudinis & periculi litium*. Accedit quod lex præsumat in Usuca-  
 pione, & Præscriptionibus, aut verum dominum, vel creditorem,  
 non amplius extare in rerum natura, aut rem suam, vel obligatio-  
 nem, & actionem habere pro derelictis. Quo sensu vere dixit Pau-  
 lus in l. 28. ff. de Verb. sign. Alienationis verbum etiam Usucapionem  
 continere: Vix enim esse, ut non videatur alienare, qui patitur  
 Usucapi. Præterquam quod jura vigilantibus scripta sint, & quod  
 intersit Reipub. habere Cives diligentes, & ad res suas attentos.  
 vid. l. pen. ff. Qua in fraud. cred. l. ult. in fin. Cod. de Annal. except.  
 Ubi Justinianus ait: *Contra desides homines, & juris sui contemptores  
 odiosas exceptiones oppositas esse.*





# Corollaria.

I.

*Per ratihabitionem patris , postea supervenientem , Liberi ex clandestinis , vel , invito Patre , contractis nuptiis filii , vel filia-familias nati , non fiunt legitimi , sed manent spurii.*

II.

*Tutores & Curatores tenentur prestare dolum , latam , & levem culpam.*

III.

*Jus accrescendi non habet locum inter legatarios verbis tantum conjunctos.*

IV.

*Testator non potest remittere cautionem Usufructuariam.*

V.

*Venditor non cogitur rem venditam precise tradere , sed liberatur prestando id , quod interest.*

VI.

*Periculum rei vendita , sed nondum tradita , pertinet ad Emptorem.*

F I N I S.